

## I TRI DD''A CHIAZZA

Sapiti , vui cu' sugnu 'i tri dd'a chiazza ?  
Pascàli ,cicciu Tronu e Pparàzza ...  
Nc'è ppuru cu li chiama sti tri amici :  
Pèttinu , Raspacùlu e Ppicipici...

Pascàli , cu 'nna lingua a ppendulùni,  
jà pemmu dormi dintra a li portùni ,  
Cicciu li sacchi 'ncodu si portava  
E, caminàndu , tuttu s'annacava .

L'ùrtima novità di Pparàzza  
Fu ca 'ntra l'acqua vòzzi mu s'ammazza !  
Pascàli mai lui pèttinu toccava ,  
Cicciu a li mura tuttu si grattava .

'Na brutta fini Pparàzza fici :  
'mpicciàu 'ntra li falacchi comu pici...  
Su' cchisti li tri amici di la chiazza ,  
Pascàli , Cicciu Tronu e Pparàzza.

Su' chisti di la chiàzza li tri amici  
Pèttinu , Raspacùlu e Ppicipici.  
Lu mundu è ttuttu uguali : a undi jiti  
Amici comu chisti ndi viditi ...

*Francesco Laruffa*

[www.associazionelaruffa.org](http://www.associazionelaruffa.org)